



Broj: 12-08-5-916-1/2016
Sarajevo, 14.03.2016. godine

n/r Svi predsjednici općinskih/osnovnih sudova
n/r Svi predsjednici kantonalnih/okružnih sudova

Predmet: Obavještenje o provođenju aktivnosti „Sedmice sudske nagodbe“ u sudovima u BiH

Poštovani,

Stalna komisija za efikasnost sudova Visokog sudskog i tužilačkog vijeća Bosne i Hercegovine (u nastavku: Stalna komisija VSTV-a BiH) je, na sastanku održanom 9.3.2016. godine, usvojila zaključak u skladu s kojim će se u svim prvostepenim i drugostepenim sudovima u Bosni i Hercegovini provoditi „Sedmice sudske nagodbe“. Cilj aktivnosti je da se u odabranom periodu zakažu ročišta u što većem broju predmeta u kojima postoji mogućnost sklapanja sudske nagodbe te da se stranke što aktivnije upute da riješe svoje predmete na ovaj način. Period implementacije aktivnosti je 1.-17. oktobar 2016. godine.

Svrha organizovanja „Sedmica sudske nagodbe“ jeste rješavanje što većeg broja predmeta mirnim putem, što može imati dalji pozitivan uticaj na efikasnost sudskih postupaka. Ovom aktivnošću VSTV BiH želi uticati na promjenu pristupa suda i stranaka rješavanju sporova, gdje se kao prioritet postavlja brzo i efikasno rješavanje, s akcentom na zadovoljstvo stranaka ishodom spora i uslugom suda.

U skladu sa spomenutim zaključkom Stalne komisije, predsjednici sudova i sudije su u obavezi aktivno učestvovati u pripremi i organizaciji ove aktivnosti. Predsjednici sudova trebaju organizovati rad u sudu na najefikasniji način koji će omogućiti ostvarenje dobrih rezultata.

VSTV BiH poziva predsjednike sudova da do 15.4.2016. godine dostave konkretne prijedloge za plan aktivnosti koje će poduzeti na području mjesne nadležnosti svog suda u cilju organizacije i promocije „Sedmica sudske nagodbe“ među strankama i javnosti.

Nadalje, slijedom ovog dopisa, predsjednici sudova trebaju poduzeti pripremne radnje za realizaciju aktivnosti, te obavijestiti sudije i stručne saradnike da identificiraju predmete po kojima bi postupali tokom „Sedmica sudske nagodbe“. Nakon identifikacije predmeta, potrebno je poslati poziv strankama za pripremno ročište (ili glavnu raspravu, odnosno poziv strankama u žalbenom postupku da svoj predmet riješe sudskom nagodbom) koje će se održati u definisanom periodu. Do 15.6.2016. godine predsjednici suda su VSTV-u BiH obavezni dostaviti liste izdvojenih predmeta u kojima će biti zakazana ročišta tj. predmeta u kojim će biti predložena nagodba u toku „Sedmica sudske nagodbe“.


VSTV BiH će s posebnom pažnjom pratiti pripremne aktivnosti, kao i izraditi detaljan izvještaj o ostvarenim rezultatima „Sedmica sudske nagodbe“ za svaki sud. Na ovaj način unapređujemo kapacitete članova pravosudne zajednice za rad sa strankama, a istovremeno ispunjavamo strateške ciljeve pravosuđa u ovoj oblasti.

Podsjećamo da obaveza na promociju alternativnih načina rješavanja sporova proističe iz strateških dokumenata za bh. pravosuđe, kao što je Strategija za reformu sektora pravde (2008. – 2012. i 2014. – 2018.) i preporuke Strukturalnog dijaloga o pravosuđu između BiH i Evropske unije. Stoga,

aktivnosti u vezi alternativnih načina rješavanja sporova predstavljaju i strateško opredjeljenje VSTV-a BiH. Potencijal rješavanja predmeta putem sudske nagodbe je značajan za efikasnost pravosuđa, uz postizanje zadovoljstva stranaka radom suda, a doprinosi i boljem privrednom okruženju i boljim odnosima među strankama.

S uvjerenjem da će aktivnost „Sedmice sudske nagodbe“ biti realizovana na obostrano zadovoljstvo s velikim uspjehom, srdačno Vas pozdravljam.

S poštovanjem,



Dostavljeno:

- Naslovu;
- a/a